



PRO FERIA III.

OFFICIUM VOTIVUM

DE SANCTO JACOBO APOSTOLO

HISPANIARUM APOSTOLO PATRONO.

SEMIDUPLEX.

Juxta Decret. S. R. C. 24. Januarii 1884.

In I. Vesperis.

*Antiph. de Laudibus. (13) Ps.
Dixit Dóminus. cum reliquis ut
in I. Vesp. Apost.*

Capitulum. 1. Cor. 4.

Fratres: Puto
quod Deus nos
Apóstolos no-
vissimos ostén-
dit, tamquam morti desti-
nátos, quia spectáculum
facti sumus mundo, et An-
gelis, et homínibus.

Hymnus.

Defénsor alme Hispá-
niæ,
Jacóbe, vindex hóstium,
Tonítrui quem filium
Dei vocávit Fílius.

Huc coeli ab altis sédibus
Convérte dexter lúmina,
Audíque læti débitas
Grates tibi quas sólvimus.

Grates refert Hispánia,
Felix tuo quæ nómine,
Te gloriátur júgiter
Dignáta sacris óssibus.

Tu, cæca nox atque ímpia
Nos cum tenéret vánitas,
Lucem salútis prímítás
Oris Ibéris ímpetras.

Tu, bella cum nos cínge-
rent,
Es visus ipso in prælio,
Equóque et ense acérri-
mus

Mauros furéntes stérnere.

Freti tuo nos pínore,
Largum tuo te múnere,
Rogámus omnes ut tuæ
Spe prótegas præsentíæ.

Deo Patri sit glória,
Ejúsque soli Fílio,
Cum Spírítu Paráclito,
Et nunc, et omne in sæ-
culum. Amen.

V. In omnem terram exiit sonus eorum. **R.** Et in fines orbis terrae verba eorum.

Tempore Paschali:

V. Sancti et justi, in Domino gaudete, allelúja. **R.** Vos elegit Deus in hereditatem sibi, allelúja.

Ad Magnificat, Ant. Misit Herodes * rex manus ut affligeret quosdam de Ecclesia: occidit autem Jacobum fratrem Joannis gladio.

Oratio.

Esto, Domine, plebi tuae sanctificator et custos: ut beati Jacobi Apostoli tui munera praesidiis, et conversatione tibi placeat, et secunda mente deserviat. Per Dominum.

Commemorationes communes, sive Suffragia sanctorum.

AD MATUTINUM.

Omnia de Communi Apostolorum pro diversitate temporis, praeter Lectiones et RR.

In I. Nocturno.

Lectiones de Scriptura occurrente; in Quadr. vero Sic nos existimet.

R. i. Procedens Jesus juxta mare Galilaeae, vidit duos fratres Jacobum Zebedaei, et Joannem fratrem ejus in navi, * Et

vocavit eos: qui statim, relictae retribus et patre, secuti sunt Dominum. **V.** Erant Jacobus et Joannes fratres in navi cum Zebedaeo patre eorum, reficientes retia sua. **Et** vocavit.

R. ii. Vocavit ad se Dominus Jacobum Zebedaei, et Joannem fratrem Jacobi, et fecit ut essent secum inter duodecim, et ut mitteret eos praedicare. * **Et** imposuit eis nomina Boanerges, quod est filii tonitruum. **V.** In omnem terram exiit sonus eorum, et in fines orbis terrae verba eorum. **Et** imposuit.

R. iii. Cum venisset Jesus in domum principis synagogae, * Non permisit intrare secum quemquam nisi Petrum et Jacobum et Joannem, et patrem et matrem puellae. **V.** Et dixit: Nolite flere, non est mortua puella, sed dormit. **Non. Gloria Patri. Non.**

Mensibus Januario, Febuario et Martio.

In II. Nocturno.

Lectio iv.

Jacobus Zebedaei filius, Joannis Apostoli germanus frater, Galilaeus, inter primos Apostolos vocatus

cum fratre, relictae patre ac retribus secutus est Dominum, et ambo ab ipso Jesu Boanerges, id est tonitruum filii sunt appellati. Is unus fuit ex tribus Apostolis, quos Salvator maxime dilexit, et testes esse voluit suae transfigurationis, et interesse miraculo, cum archisynagogi filiam a mortuis excitavit, et adesse, cum secisset in montem Oliveti, Patrem oratorum, antequam a Judaeis comprehenderetur.

R. Assumpsit Jesus Petrum, et Jacobum, et Joannem fratrem ejus, et duxit illos in montem excelsum seorsum: * **Et** transfiguratus est ante eos. **V.** Et ecce apparuerunt illis Moyses et Elias cum eo loquentes. **Et.**

Lectio v.

Post Jesu Christi ascensum in caelum, in Judaea et Samaria ejus divinitatem praedicans plurimos ad Christianam fidem perduxit. Mox in Hispaniam profectus, ibi aliquos ad Christum convertit, ex quorum numero septem postea episcopi a beato Petro ordinati, in Hispaniam primi directi sunt. Deinde Jerusalem reversus, cum in-

ter alios Hermogenem manu fidei veritate imbuisset, Herodes Agrippa Claudio Imperatore ad regnum elatus, ut a Judaeis gratiam iniret, Jacobum libere Jesum Christum Deum confitentem capitis condemnavit. Quem cum is, qui eum duxerat ad tribunal, fortiter martyrium subeuntem vidisset, statim se et ipse Christianum esse professus est.

R. Potestis bibere calicem quem ego bibo? aut baptismo, quo ego baptizor, baptizari? dixit Jesus Jacobo et Joanni filiis Zebedaei. * **At** illi dixerunt ei: Possumus. **V.** Calicem quidem, quem ego bibo, bibetis, et baptismo, quo ego baptizor, baptizabimini. **At** illi.

Lectio vi.

Ad supplicium cum raparentur, petiit ille a Jacobo veniam. Quem Jacobus osculatus, Pax, inquit, tibi sit. Itaque uterque est securi percussus, cum paulo ante Jacobus paralyticum sanasset. Corpus ejus postea Compostellam translatum est, ubi summa celebritate colitur, convenientibus eo religionis et voti causa ex toto terrarum orbe peregrinis.

R. Assumpsit Jesus Petrum, et Jacobum, et Joannem secum, et cepit pavere et tædere. * Et ait illis: Tristis est anima mea usque ad mortem. **V.** Sustinete hic et vigilate mecum. **Et. Glória Patri. Et.**

Mensibus Aprili, Majo, et Junio.

Sermo Sancti Augustini Episcopi.

Serm. 43. de Sanctis.

Lectio iv.

Si omnium sanctorum Martyrum grata nobis debet esse sollemnitas, fratres carissimi, quanto gratior eorum, qui presentem secuti sunt principem Martyrum? Si agnorum, quanto magis arietum? Illorum enim filii non generatione carnis, sed imitatione virtutis facti sunt omnes, qui posterius usque ad mortem confessi sunt Christum. Hos obtulerunt populi Gentium, de quibus Psalmus ante cantavit, dicens: Afferte Domino filios arietum. His primum Dominus, cum ad confessionem sui nominis hortaretur, non solum se promisit victorie coronatorem, sed et certaminis adiutorem.

Etiam in ipsis et posteros admonerat: quoniam quod dicebat, scriptum posteris relinquebat. Illis ergo ait, exhortans eos: Cum adducet vos ad principes, et potestates, nolite cogitare quid respondeatis, vel quid loquamini. Non enim vos estis, qui loquamini, sed Spiritus Patris vestri, qui loquitur in vobis. Meditari vetuit, et confiteri precepit. Maluit enim auferre presumptionem humanam, et gratiam dare divinam; ut in semetipsis timidi et mundo essent audaces. Unde et in alio Psalmi vox Martyrum dicit quasi ex parte humane fragilitatis verendo: Eripe me de inimicis meis, Deus meus, et ab insurgentibus in me libera me. Et paulo post, de auxilio divino confidens dicit: Fortitudinem meam ad te custodiam.

R. Assumpsit. ut supra.

Lectio v.

Supra ceteras enim turbas fidelium necnon antiquorum justorum et Prophetarum, eminentes Apostolos suos volens Dominus ostendere, dixit ad eos: Beati oculi, qui vident quae vos videtis, et aures, quae audiunt, quae vos auditis. Multi enim Prophetae et

justi voluerunt videre, quae vos videtis, et non vident; et audire, quae vos auditis, et non audierunt. Item alibi: Jam, inquit, non dicam vos servos, quia servus nescit quid faciat dominus ejus. Vos autem dixi amicos, quia omnia quaecumque audivi a Patre meo, nota feci vobis. Item ait idem alio loco: Quaecumque ligaveritis super terram, erunt ligata et in caelo, et quaecumque solveritis super terram, erunt soluta et in caelo. Item alibi sciscitanti Petro, quid sibi et sociis suis profuisset, reliquisse omnia et sequi Redemptorem, respondit dicens: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suae, sedebitis et vos super sedes duodecim judicantes duodecim tribus Israel.

R. Potestis bibere. (3)

Lectio vi.

Isti sunt lux mundi, quia per ipsos lumen fidei et verae scientiae primum Dominus huic mundo tradidit, et ab errorum ac peccatorum tenebris Gentes et populos eruit. Isti sunt sal terrae, quia per eos terrigenae condimentum sapo-

ris vitae aeternae percepérunt, ut restringerent carnis lasciviam, et a putredine peccatorum, et a vitiorum vermibus servarentur illæsi. Isti sunt lapides pretiosi, quos in fundamento caelestis aedificii posuit Joannes in Apocalypsi sua describit, quia praedicatio eorum Ecclesiae fundamenta locavit. Unde et Paulus ait: Vos estis cives Sanctorum, et domestici Dei, superaedificati super fundamentum Apostolorum, et Prophetarum. Isti sunt duodecim portae Jerusalem novae, quae de caelo descendit: quia per ipsos januam fidei primum intravimus, et inter cives Sanctorum annumerati sumus.

R. Assumpsit. (4)

Mensibus Julio, Augusto et Septembri.

Ex Tractatu S. Augustini Episcopi super Psalmos.

In Psalm. 44.

Lectio iv.

Pro patribus tuis nati sunt tibi filii. Genuerunt te Apostoli: ipsi missi sunt, ipsi praedicaverunt, ipsi patres. Sed numquid nobiscum corporaliter semper esse po-

tuérunt? Etsi unus ipsorum dixit: Cúpio dissólvi, et esse cum Christo: multo magis óptimum est; manére autem in carne necesárium propter vos. Dixit hoc idem: sed quám diu hic manére pótuit? Numquid usque ad hoc tempus? Numquid usque in pósterum? Ergo illórum abscesu desérta est Ecclésia? Absit. Pro pátribus tuis nati sunt tibi filii. Quid est, pro pátribus tuis nati sunt tibi filii? Patres missi sunt Apóstoli, pro Apóstolis filii nati sunt tibi, constitúti sunt Episcopi.

R. Assúmpsit Jesus. (4)

Lectio v.

Hódie enim episcopi qui sunt per totum mundum, unde nati sunt? Ipsa Ecclésia patres illos appellat: ipsa illos genuit, ipsa illos constituit in sédibus patrum. Non ergo te putes desértam, quia non vides Petrum, quia non vides Paulum, quia non vides illos, per quos nata es. De prole tua tibi crevit paternitas. Pro pátribus tuis nati sunt tibi filii: constitues eos príncipes super omnem terram. Vide templum regis, quam late diffusum est, ut nóverint vir-

gines, quæ non adducuntur in templum regis, non se ad istas núptias pertinére.

R. Potéstis bíbere. (3)

Lectio vi.

Pro pátribus tuis nati sunt tibi filii: constitues eos príncipes super omnem terram. Hæc est cathólica Ecclésia: filii ejus constitúti sunt príncipes super omnem terram; filii ejus constitúti sunt pro pátribus. Agnóscant, qui præcisi sunt: véniant ad unitátem, adducántur in templum Regis. Templum suum Deus ubique collocávit, fundaménta Prophetárum et Apostolórum ubique firmávit. Filios genuit Ecclésia: constituit eos pro pátribus suis príncipes super omnem terram.

R. Assúmpsit Jesus. (4)

Mensibus Octobri, Novembri et Decembri.

De Expositióne S. Agustíni Episcopi super Psalmum octagésimum sextum.

Ante med.

Lectio iv.

Fundaménta ejus in móntibus sanctis, diligit Dóminus portas Sion. Quare sunt fundaménta Apóstoli, et

Prophétæ? Quia eórum auctoritas portat infirmitátem nostram. Quare sunt portæ? Quia per ipsos intrámus ad regnum Dei. Prædicant enim nobis: et cum per ipsos intrámus, per Christum intrámus. Ipse est enim jánuá. Et cum dicuntur duodecim portæ Jerúsalem, et una portá Christus, et duodecim portæ Christus, quia in duodecim portis Christus: et ideo duodenárius número Apostolórum. Sacraméntum magnum hujus duodenárii significatio est numeri. Sedébitis, inquit, super duodecim sedes, judicántes duodecim tribus Israël.

R. Assúmpsit Jesus. (4)

Lectio v.

Si duodecim sellæ ibi sunt, non est ubi sédeat tertius décimus Paulus Apóstolus, et non erit quómodo júdicet: et ipse se judicatúrum dixit, non hómines tantum, sed et ángelos. Quos ángelos, nisi apóstatas ángelos? Nescítis, inquit, quia ángelos judicábimus? Responderet ergo turba: Quid te jactas judicatúrum? Ubi sedébis? Duodecim sedes dixit Dóminus duodecim Apósto-

lis: unus cécidit Judas, in locum ipsius sanctus Mathías ordinátus est: implétus est duodenárius número sédium. Primo locum ínveni, ubi sédeas, et sic te mináre judicatúrum. Duodecim ergo sedes quid sibi velint, videámus. Sacraméntum est cujúsdam universitátis, quia per totum orbem terrarum futúra erat Ecclésia: unde vocátur hoc ædificium ad Christi compágem.

R. Potéstis bíbere. (3)

Lectio vi.

Et ideo quia úndique vénitur ad judicándum, duodecim sedes sunt: sicut quia úndique intrátur in illam civitátem, duodecim portæ sunt. Non solum ergo illi duodecim, et Apóstolus Paulus, sed quotquot judicatúri sunt, propter significatióne universitátis ad sedes duodecim pertinent: quemádmódum quotquot intrábunt, ad duodecim portas pertinent. Partes enim mundi quátuor sunt: Oriens, Occidens, Aquilo et Merídes. Istæ quátuor partes assidue nominántur in Scriptúris. Ab ipsis quátuor ventis, sicut dicit Dóminus in Evangélio, a quátuor

ventis se collecturum electos suos: ab omnibus ergo istis quatuor ventis vocatur Ecclesia. Quomodo vocatur? Undique in Trinitate vocatur. Non vocatur nisi per baptismum in nomine Patris, et Filii, et Spiritus sancti. Quatuor ergo ter ducta duodecim inveniuntur.

R. Assumpsit Jesus. (4)

Mensibus Januario, Febuario et Martio.

In III. Nocturno.

Lectio sancti Evangelii secundum Matthæum.

Lectio vii. Cap. 20. c.

In illo tempore: Accessit ad Jesum mater filiorum Zebedæi cum filiis suis, adorans et petens aliquid ab eo. Et reliqua.

Homilia sancti Joannis Chrysostomi.

Homilia 66. in Matth.

Non turbetur quisquam, si a deo imperfectos dicimus Apostolos fuisse: nondum enim mysterium crucis erat consummatum, nondum gratia Spiritus in corda ipsorum infusa. Quod si virtutem ipsorum discernere cupis, quales post datam gratiam Spiritus fue-

runt, considera, et videbis omnem ab illis perversam affectionem fuisse superatam. Hac enim de causa eorum modo imperfectio revelatur, ut aperte percipere possis, quales subito per gratiam effecti fuerunt. Quod igitur nihil spiritale petebant, nec de cœlesti regno quidquam cogitabant, perspicuum est. Sed tamen inspicimus etiam quomodo accedant, et quid dicant. Volumus, inquiunt, ut quodcumque petierimus, facias nobis. Ad quod Christus, Quid vultis? respondit, non ignorans certe, sed ut eos respondere cogat, et ulcus detegat, et ita medicamentum apponat.

R. Misit Herodes rex manus, ut affligeret quosdam de Ecclesia: * Occidit autem Jacobum fratrem Joannis gladio. **V.** Ecce ego mitto ad vos prophetas, et sapientes, et scribas, et ex illis occidētis. **Occidit.**

Lectio viii.

Illi vero cum erubescerent, et verecundia prohiberentur, quoniam humano affectu eo devenerant, seorsum ab aliis discipulis Christum accipientes, interrogaverunt. Pro-

Lectio ix.

Et adjecit: Potestis bibere calicem quem ego bibiturus sum, et baptismo, quo ego baptizor, baptizari? Perpēdis, quomodo statim ab hac opinione ipsos removit, contraria eis disserens. Nam vos, inquit, de honoribus et de coronis mecum agitis: ego vero de luctamine atque sudore dissero. Non præmiōrum hoc tempus est, nec illa glōria mea modo apparebit: sed cædis ac periculorum tempus præsens est. Pēspice autem qualiter ipso interrogatiōnis modo et hortatur, et allicit. Non enim dixit: Potestisne cædem subire, potestisne vestrum effundere sanguinem? sed, Quoniam pacto potestis bibere calicem? Deinde alliciens, inquit: Quem ego bibiturus sum: ut ipsa cum eo communicatiōne laborum promptiores redderentur.

R. Iste est, qui ante alios Apostolos primus plantavit Ecclesiam sanguine suo: * Cujus corpus in Gallæciam delatum, per totum orbem glōria illustratur. **V.** O sidus, o decus Hispaniæ! sancte Jacobe Apostole, intercède pro nobis ad Deum, qui te eligit. **Cujus. Glōria Patri. Cujus.**

Lectio ix. de Simplici, si occurrat, vel in Quadrag. de Homilia Feriæ; alias:

Et adjecit: Potestis bibere calicem quem ego bibiturus sum, et baptismo, quo ego baptizor, baptizari? Perpēdis, quomodo statim ab hac opinione ipsos removit, contraria eis disserens. Nam vos, inquit, de honoribus et de coronis mecum agitis: ego vero de luctamine atque sudore dissero. Non præmiōrum hoc tempus est, nec illa glōria mea modo apparebit: sed cædis ac periculorum tempus præsens est. Pēspice autem qualiter ipso interrogatiōnis modo et hortatur, et allicit. Non enim dixit: Potestisne cædem subire, potestisne vestrum effundere sanguinem? sed, Quoniam pacto potestis bibere calicem? Deinde alliciens, inquit: Quem ego bibiturus sum: ut ipsa cum eo communicatiōne laborum promptiores redderentur.

Te Deum laudamus.

Mensibus Aprili, Majo et Junio.

Lectio sancti Evangelii secundum Matthæum.

Lectio vii. Cap. 20.

In illo tempore: Accessit ad Jesum mater filiorum Zebedæi cum filiis